

ЎЗБЕКИСТОН РЕСПУБЛИКАСИ СОҒЛИҚНИ  
САҚЛАШ ВАЗИРИНИНГ  
БҮЙРУГИ

**518** **Тиббиёт муассасалари типлари ва ихтисослик турлари бўйича тиббий фаолият ҳажмига талаблар тўғрисидаги низомни тасдиқлаш ҳақида**

*Ўзбекистон Республикаси Адлия вазирлиги томонидан 2012 йил 2 ноябрда рўйхатдан ўтказилди, рўйхат рақами 2399*

*(2012 йил 12 ноябрдан кучга киради)*

Ўзбекистон Республикаси Вазирлар Маҳкамасининг 2012 йил 29 марта даги 92-сон «Тиббий фаолиятни лицензиялаш тартибини такомиллаштириш тўғрисида»ги қарорига (Ўзбекистон Республикаси қонун хужжатлари тўплами, 2012 й., 13-сон, 146-модда) мувофиқ **буюраман**:

1. Тиббиёт муассасалари типлари ва ихтисослик турлари бўйича тиббий фаолият ҳажмига талаблар тўғрисидаги низом иловага мувофиқ тасдиқлансин.

2. Мазкур буйруқ Ўзбекистон Республикаси Адлия вазирлигига давлат рўйхатидан ўтказилган кундан бошлаб ўн кун ўтгандан кейин кучга киради.

**Вазир**

**А. АЛИМОВ**

Тошкент ш.,  
2012 йил 3 октябрь,  
282-сон

Ўзбекистон Республикаси  
соғлиқни сақлаш вазирининг 2012 йил  
3 октябрдаги 282-сон бўйруғига  
ИЛОВА

**Тиббиёт муассасалари типлари ва ихтисослик турлари  
бўйича тиббий фаолият ҳажмига талаблар тўғрисидаги  
НИЗОМ**

Мазкур Низом Вазирлар Маҳкамасининг 2012 йил 29 марта даги 92-сон қарори (Ўзбекистон Республикаси қонун хужжатлари тўплами, 2012 йил, 13-сон, 146-модда) билан тасдиқланган Тиббий фаолиятни лицензиялаш тўғрисидаги низомнинг З-бандига мувофиқ, тиббиёт муассасалари типлари ва ихтисослик турлари бўйича тиббий фаолият ҳажмига қўйиладиган талабларни белгилайди.

---

*Ўзбекистон Республикаси қонун ҳужжатлари тўплами, 2012 й.*

**I боб. Умумий қоидалар**

1. Мазкур Низом талаблари лицензия асосида тиббий фаолиятни амалга оширадиган тиббиёт муассасаларига (бундан бўён матнда тиббиёт муассасалари деб юритилади) татбиқ этилади.

2. Тиббиёт муассасалари мазкур Низомда белгиланган тиббиёт муассасалари типларига ва ихтисослик турлари бўйича тиббий фаолият ҳажмига мувофиқ тиббий фаолиятни амалга оширади.

**II боб. Тиббиёт муассасалари типларига  
кўйиладиган талаблар**

3. Тиббиёт муассасалари қўйидаги типларда тиббий фаолиятни амалга оширади:

тез тиббий ёрдам муассасаси — беморларга кечикириб бўлмайдиган тиббий ёрдамни кўрсатадиган, шунингдек бемор (мурда)ларни транспортировка қиласадиган тиббиёт муассасаси;

амбулатория муассасаси — беморларни тиббиёт муассасасига жойлаштирмасдан қатнов асосида ёки уларнинг уйларида (амбулатор шароитда) даволанишини таъминлайдиган тиббиёт муассасаси;

стационар муассаса — беморларни доимий равишда тиббиёт ходимлари назоратида бўлишига шароит яратиш мақсадида уларнинг ётиб даволанишини таъминлайдиган тиббиёт муассасаси;

дезинфекция (дезинфектология) муассасаси — дезинфекция, дезинсекция ва дератизация воситалари орқали инсон касалланишига сабаб бўлган омилларни, уларнинг ташувчисини ёки табиий резервуарлари ҳисобланган атроф-мухитда мавжуд бўлган патоген биологик объекtlарни йўқ қилишга қаратилган фаолиятни амалга оширадиган тиббиёт муассасаси.

4. Стационар типда тиббий фаолиятни амалга оширадиган тиббиёт муассасаси амбулатор шароитида ҳам тиббий фаолиятни амалга ошириши мумкин.

5. Тиббиёт муассасалари типлари ўз ихтисосликларидан келиб чиқиб қўйидаги тиббий фаолиятлардан бири ёки бир нечтасини амалга оширади:

тез тиббий ёрдам — беморларга кечикириб бўлмайдиган ҳолатларда кўрсатиладиган тиббий ёрдам, шунингдек бемор (мурда)ларни транспортировка қилиш;

профилактика — инсон саломатлигини мустаҳкамлаш, касалланишини олдини олиш ва уни келиб чиқиш сабабларини бартараф этишга қаратилган чора-тадбирлар;

маслаҳат бериш — касалликларни профилактика қилиш ва даволаш мақсадида мутахассис врач томонидан бериладиган кўрсатма;

диагностика — инсон саломатлиги ҳолатини тиббий текширувлар ўтказиш орқали аниқлашга қаратилган чора-тадбирлар;

даволаш — инсон саломатлигини яхшилаш ёки тиклашга қаратилган

тиббий муолажа (аралашув). Бунда даволаш операциясиз (консерватив) йўл билан ёки операция (оператив) қилиш йўли билан амалга оширилади.

**III боб. Тиббиёт муассасаларининг ихтисослик турлари  
бўйича тиббий фаолияти ҳажмига қўйиладиган  
талаблар**

6. Тиббиёт муассасалари тез тиббий ёрдам, профилактика, маслаҳат бериш, диагностика ва операциясиз (консерватив) даволаш асосида, шунингдек мазкур Низом иловасида келтирилган Тиббиёт муассасаларида тиббий фаолиятнинг ихтисослик турлари бўйича амалга оширилиши мумкин бўлган операцияли (оператив) даволашлар рўйхати асосида ўз ихтисослик турлари бўйича тиббий фаолият ҳажмини амалга оширади, мазкур Низомнинг 7-банди бундан мустасно.

7. Тиббиёт муассасалари томонидан қўйидаги тиббий фаолиятларни амалга ошириш тақиқланади:

бактериологик текширувлар ўтказиш;  
ўткир заҳарланишни даволаш;  
келиб чиқиши криминал хусусиятга эга бўлган жароҳатларни даволаш;  
таносил касаллигини даволаш;  
сил касаллигини даволаш;  
ОИВ/ОИТС диагностикаси ва уни даволаш;  
моховни даволаш;  
шошилинч эпидемиологик чоралар кўришни талаб этадиган юқумлик касалликларни даволаш;  
ўта хавфли ва карантин касалликларни даволаш;  
аниқланган хавфли онкологик касалликларни даволаш;  
қон донорлигини ташкил этиш, қонни, унинг компонентлари ва препаратларини тайёрлаш ва қайта ишлаш;  
барча турдаги тиббий экспертизаларни ўтказиш, шу жумладан санитар-гигиеник, токсикологик, микробиологик, эпидемиологик, генетик ва меҳнатга вақтинча лаёқатсизлик экспертизаларини ўтказиш;  
туғруқни қабул қилиш ва хомиладорлик кечишини тўхтатиш (аборт қилиш);  
тўқима ва аъзолар трансплантацияси, шунингдек уларни тайёрлаш;  
инфекция ўчоқларида барча турдаги дезинфекция чораларини олиб бориш.

8. Мазкур Низомнинг 7-банди учинчи ва тўртинчи хатбошиларида кўрсатиб ўтилган тиббий фаолиятларни тиббиёт муассасаларида амалга ошириш фақатгина инсон ҳаётига хавф туғдирувчи ҳолатларда беморга шошилинч тиббий ёрдам кўрсатиш мақсадида рухсат этилади. Бунда келиб чиқиши криминал хусусиятга эга бўлган жароҳатларни даволаш юзасидан мурожаат қилинганда тиббиёт муассасалари зудлик билан ички ишлар органларига хабар беришлари шарт.

**IV боб. Якуний қоидалар**

9. Мазкур Низом талабларини бузганлиқда айбдор бўлган шахслар қонун ҳужжатларида белгиланган тартибда жавобгар бўлади.

10. Мазкур Низом Ўзбекистон Республикаси Савдо-саноат палатаси билан келишилган.

*Савдо-саноат  
палатаси раиси*

*2012 йил 3 октябрь*

*А. ШАЙХОВ*

Тиббиёт муассасалари типлари ва ихтисослик турлари бўйича тиббий фаолият хажмига талаблар тўғрисидаги низомга  
ИЛОВА

**Тиббиёт муассасаларида тиббий фаолиятнинг ихтисослик турлари бўйича амалга оширилиши мумкин бўлган операцияли (оператив) даволашлар РЎЙХАТИ**

1. Тиббий фаолиятнинг умумий хирургия (кичик амбулатор хирургия) ихтисослик тури бўйича:

юмшоқ тўқималардаги хавфсиз ўсмаларни олиб ташлаш;

плевра бўшлигининг пункцияси;

плевра бўшлигини дренажлаш;

қорин бўшлигининг пункцияси;

лапароцентез;

оддий чурраларда чурраларни кесиш;

куйган яраларга хирургик ишлов бериш;

яраларга бирламчи хирургик ишлов бериш;

маститни кесиб очиш;

панариций ва паронихийларни кесиб очиш;

абсцессларни кесиб очиш;

юмшоқ тўқима флегмоналарини кесиб очиш;

турли жойдаги фурункул ва карбункулларни кесиб очиш;

циркумцизия;

эндоскопик аралашувлар;

геморройда, анал ёриклирида, ўткир парапроктитда, тўғри ичак оқмасида, анал йўли полипларида, перианал соҳаси кисталарида, эпителиал-дум-ғаза ўлларида, перианал соҳаси ўткир учли кондиломаларида операцияли муолажалар (аралашувлар).

2. Тиббий фаолиятнинг колопроктология (кичик операцияли колопрок-

тология) ихтисослик тури бўйича геморройда, анал ёриқларида, ўткир папропротитда, тўғри ичак оқмасида, анал йўли полипларида, перианал соҳаси кисталарида, эпителиал-думгаза йўлларида, перианал соҳаси ўткир учли кондиломаларида операцияли аралашувлар.

3. Тиббий фаолиятнинг урология (кичик операцияли урология) ихтисослик тури бўйича:

мояк истискоси операцияси;

варикоцеле операцияси;

циркумцизия;

мояк биопсияси;

крипторхизмни бартараф этиш операцияси;

мояк, маяк қўшимчаси ва тухумдан йўли кисталарини олиб ташлаш;

уретра ташқи тешигининг полипини кесиб олиш ёки кўйдириш;

меатотомия;

цистостомик дренажни алмаштириш;

эндоурологик операцияли муолажалар (аралашувлар).

4. Тиббий фаолиятнинг оториноларингология (ЛОР органларнинг мураккаб туфма нуқсонларини бартараф этишга оид операциялардан ташқари) ихтисослик тури бўйича:

аденотомия;

тонзилэктомия;

гайморотомия;

фронтотомия;

этмоидотомия;

сфеноидотомия;

септопластика;

орториносептопластика;

ринопластика;

анитротомия;

кулокдаги радикал операция;

тонзиллотомия;

тимпанопластика;

ЛОР органлари абцессларини очиш;

хоанал полипини олиб ташлаш;

қонаётган полипни олиб ташлаш;

полипни олиб ташлаш;

хиқилдоқ папилломасини олиб ташлаш;

ЛОР органлари аъзоларида эндоскопик операциялар.

5. Тиббий фаолиятнинг офтальмология ихтисослик тури бўйича:

интраокуляр линза (ИОЛ)ни имплантациялаш ва имплантацияламасдан катаректани экстракапсуляр экстракцияси;

ИОЛ имплантацияси билан катаректанинг факоэмульсификацияси (ФЭГ);

ИОЛ имплантацияси билан катаректанинг тоннель экстракцияси (ТЭК);

ИОЛни имплантациялаш ва имплантацияламасдан катарктани интра-капсуляр экстракцияси;

ИОЛни иккиламчи имплантацияси;

антиглauкоматоз операциялар;

пластикали ва пластикасиз птеригиумэктомия;

керопротезлаш;

склеропластик операциялар;

филайликни тузатиш;

қовоқдаги операциялар (бурилиб қолганда, тескари бўлиб қолганда, птозда, блефарохалязда ва нуксонларда);

қовоқдаги пластик операциялар;

витреоретинал хиургия;

тўр пардаси кўчишидаги операция (циркляж, склерани локал пломбашлаш);

дакриоцисториностомия;

кўз ёши йўлларидаги операция;

конъюнктива ва қовоқдаги хавфсиз ўсмаларни олиб ташлаш (папилломалар, кистлар ва халязионалар);

вазореконструктив ва реваскуллизирловчи операциялар;

шох парда ва конъюктивада юзаки жойлашган ёт жисмларни олиб ташлаш;

орқа капсулотомияси;

тўр парданинг переферилик, паравазал ва чекланган панретинал лазеркоагуляцияси;

иридотомия;

фоторефракцион кератотомия (ФРК);

лазик;

эпилазик;

чокни ечиш;

лимфотропли даволаш.

6. Тиббий фаолиятнинг пластик хиургия ихтисослик тури бўйича:

юзаки жойлашган ёт жисмларни олиб ташлаш;

жароҳатланган терини кесиб олиб ташлаш;

жароҳатни беркитиш учун тери пластикаси;

яраларни ёпиш учун тери пластикаси;

атеромани олиб ташлаш;

тери ва териости ёғ клетчаткасининг хавфсиз ўсмаларини олиб ташлаш;

чандикларни кесиб олиб ташлаш;

бошдаги тук (соч)ларни трансплантацияси;

энгак, чакка, пешона, бўйин соҳасидаги пластик операциялар (маҳаллий анестезия орқали);

юқори лаб коррекцияси;

гинекомастия коррекцияси;

шалпангқулоқлик коррекцияси;  
юқори қовоқ пластикаси;  
пастки қовоқ пластикаси;  
эпикантус коррекцияси;  
сингапури коррекцияси (турғун бурма);  
тарзопластика;  
тери тұқымасининг лазерли деструкцияси;  
телеангиоэктазиянинг лазерли коагуляцияси;  
телеангиоэктазийнинг склеротерапияси;  
тери чандиқларда механик тери ҳосил қилиш;  
чандиқларда лазерли тери ҳосил қилиш;  
илгари қилинган косметик операциялар коррекцияси;  
тананинг алоҳида қисмларини маҳаллий анефтизия орқали липосакция  
қилиш;  
юмшоқ тұқымаларга сунъий тұлдирувчиларни киритиш орқали шаклни  
коррекция қилиш;  
гемиопластика (кичик ва катта жинсий лаблар коррекцияси);  
юзни ёшартиришнинг кам инвазивли усуллари;  
ажинлар коррекцияси;  
«aptos» иплари операцияси;  
ажин ва лаблар шаклини биополимерлар билан коррекция қилиш;  
липофилинг;  
ринопластика.  
7. Тиббий фаолиятнинг хирургик стоматология ихтисослик тури бүйича:  
сүт ва доимий тишларни олиб ташлаш;  
абсцессларни кесиб очиш;  
периостотомия;  
тиш илдизлари юқори қисмининг резекцияси;  
олиб ташланган тиш ўрни кюретажи;  
жароҳатларга бирламчи хирургик ишлов бериш;  
юз нерви невралгиясида блокада қилиш;  
майды ўсмасимон шишларни олиб ташлаш;  
имплантация;  
тил ва лаб юганини кесиб олиш;  
тиш олиб ташланғандан сўнг перфорацияда гаймор бўшлиғи тубидаги  
чукурчани тикиш.